

唐
音
統
籤

戊籤十三方干之八

唐音統籤卷六百人

七言絕句

君不來

遠路東西欲問誰
寒來無處寄寒衣
去時初種庭前樹
樹已勝巢人未歸

思江南

昨日草枯今日青
羈人又動望鄉情
夜來有夢登歸路
不到桐廬已及明

出東陽道中作

馬首寒山黛色濃
一重重盡一重重
醉醒已在他

人界猶憶東陽昨夜鐘

東陽道中作

百花香氣傍行人花底垂鞭日易曛
野火不知寒食節穿林轉壑自燒雲

路入金州江中作

棹尋椒岸紫迴去數里時逢一兩家
知是從來貢金處江邊牧豎亦披沙

蜀中補

遊子去遊多不歸春風酒味勝餘時
閑來已伴巴兒醉萱蕙花邊唱竹枝

題君山

見岳州府志

曾於方外見麻姑聞說君山自古無元是崑崙山
頂石海風吹落洞庭湖

夜會鄭氏昆季林亭

卷簾圓月照方塘坐久樽空竹有霜白犬吠風驚
鴈起猶能一一旋成行

書原上鮑處士屋壁

水闊坐看千萬里青蕪蓋地接天津
襴衡莫愛山中靜遶舍山多却礙人

題寶林寺禪者壁

山名飛來峯

遂巖喬木夏藏寒牀下雲溪枕上看臺殿漸多山
更重却令飛去卽應難

贈會稽楊長官

直鉤終日竟無魚鐘鼓聲中與世疎若向湖邊訪
幽拙蕭條四壁是閑居

贈申長官

言下墮機兒物情看看獄路草還生旅人莫恠無
魚食直爲寒江水至清

與長洲陳子美長官

枕上愁多百緒牽常時睡覺在鷄前人間盡是交

親力莫道昇沉總信天

贈江上老人

潭底錦鱗多識釣
木投香餌即先知
欲教魚目無分別
須學揉藍染釣絲

贈東溪貧道

非唯劒鶴獨難留
觸事皆聞被債收
賴是豪家念寒餒
却還漁島與漁舟

貽曦上人

四十年來多少人
一分零落九成塵
與師猶得重相見
亦是枯株勉強春

貽亮上人

秋水一泓常見底
澗松千尺不生枝
人間學佛知多少
淨盡心花只有師

酬孫發

錦價轉高花更巧
能將舊手弄新梭
從來一字爲褒貶
二十八言猶太多

題玉笥山強處士

涵裏藏身品裏居
剛繁自是一家書
世人呼爾爲漁叟
爾學釣璜非釣魚

將歸湖上留別陳宰

歸去春山逗晚晴
紫迴樹石罅中行
明時不是無知己
自憶湖邊釣與耕

別殷明府

許教門館久踟躕
仲叔懷恩對玉壺
唯有離心欲銷客
空垂雙淚不成珠

衢州別李秀才

方輿勝覽

千山紅樹萬山雲
把酒相看日又曛
一曲離歌兩行淚
更知何處再逢君

別孫蜀

吳越思君意易傷
別君添我髮邊霜
由來淞水偏

唐詩集
堪恨截斷千山作兩鄉

與徐溫話別

去去何時却見君
悠悠煙水似天津
明年今夜有明月
不是今年看月八

送鄉中故人

少小與君情不疎
聽君細話勝家書
如今若到鄉中去
道我垂釣不釣魚

送僧南遊

三秋萬里五溪行
風裏孤雲不計程
若念猩猩解言語
放生先令放猩猩

寄謝麟

越國雲溪秀發時
蔣京詞賦謝麟詩
後來若要知
優劣學圃無過老圃知

越中逢孫百篇

上才乘醉到山陰
日日成篇字字金
鏡水周廻千萬頃
波瀾倒瀉入君心

淺井

補

夜入明河星似少
曙搖澄碧扇風翻
細泉細脉難來到
應覺添餅耗舊痕

題嚴子陵祠

補

物色旁求至漢庭一宵同寢見交情先生不入雲
臺像羸得桐江萬古名

蒼翠雲峯開俗眼泓澄煙水浸塵心惟將道業爲
芳餌釣得高名直到今

此首一作
杜荀鶴詩

經故侯郎中舊居

一朝寂寂與冥冥壟樹未長墳草青高節雄才向
何處夜闌空鑠滿池星

過李群玉故居

評直上書難遇主銜冤下世未成翁琴樽劍鶴誰
將去惟鎖山齋一樹風

經曠禪師舊院

谷鳥散啼如有恨庭花含笑似無情
更名變貌難一作換面無一作無休息去去來來第幾生

題天柱觀魚尊師舊院

補

早識吾師頻到此芝童藥犬亦相迎
師今一去無來日花洞石壇空月明

題黃山人庭前孤桂

映牕孤桂非手植子落月明闌落時
仙客此時頭不白看來看去有枯枝

詠花

狂心醉眼共徘徊一半先開笑未開此日不能偷
折去胡蜂直恐趁人來

惜花

可憐妍艷正當時剛被狂風一夜吹今日流鶯來
舊處百般言語殢空枝

送水墨項處士歸天台

仙嶠倍分元化功採藍翠色一重重還家莫更尋
山水自有雲山在筆鋒

題畫建溪圖

補

大幅輕綃畫建溪刺桐花下路高低分明記得曾

行處祇欠猿聲與鳥啼

新安殷明府家樂方響

葛溪鐵片梨園調耳底丁東十六聲彭澤主人憐
妙樂玉盃春暖許同傾

江南聞新曲

席上新聲花下盃一聲聲被拍聲催樂工不識長
安道盡是書中寄曲來

失題

補

十六聲中運手輕一聲聲似自然聲不緣精妙過
流輩爭得江南別有名

句

弟子已攀桂先生猶臥雲

青李類及第何尤遠鑒飛錄

紀得

新詩草裏論

紀事云千師徐杭常刺疑云云反語爲村裏老也

枯井夜

聞隣果落廢巢寒見別禽來

貽天日中峰客張爲主客圖

戊鍤十四

唐音統籤卷六百九

趙嘏字承祐山陽人爲詩瞻美多興味杜紫微愛其早秋長笛一聲人倚樓句吟歎不已人因目爲趙倚樓會昌三年第進士宰相李回嘗舉薦之大中間授渭南尉卒時以其詩有早晚粗醇身事了水邊歸去一閒人爲終渭南兆云詩集五卷

編年詩二

卷渭南集二卷
唐宋藝文志同

五言古詩

書齋雪後

擁褐坐茅簷春晴喜初日微風入桃徑爽氣歸

一作

生縹帙頻時苦風雪就景理巾櫛樹暖高鳥來窓
閒曙雲出鄉遙路難越道蹇時易失欲靜又不作
未
能東山負芝朮

汾上宴別

入許渾集者誤

雲物如故鄉山川知異路年來未歸客馬上春欲
暮一樽花下酒殘日水西樹不待管絃終搖鞭背
花去

七言古詩

寄道者

洞庭先生歸路長海雲望極春茫茫別來幾度向

蓬島自傍瑤臺折靈草

五言律詩

昔昔鹽二十首

以薛道衡詩
每句爲題

垂柳覆金堤

新年垂柳色嫋嫋對空閨不畏芳菲好自緣離別
啼因風飄玉戶向日映金堤
隴西使何時度還將贈

隴西
蘼蕪葉復齊

提筐紅葉下度日採蘼蕪
翠香盈袖看花憶故夫
葉齊誰復見風暖恨偏孤
一被春光累容顏與

昔殊

水溢芙蓉沼

綠沼春光靜
青青草色濃
綺羅驚翡翠
暗粉妬芙蓉
雲迴窓前見
荷翻鏡裡逢
心託流水終
日渺無窮

花飛桃李蹊

遠期難可託
桃李自依依
花徑無容跡
粧未下
機隨風閒又
落度日掃還飛
欲折一枝贈
那知歸不歸

採桑秦氏女

南陌採桑出誰知妾姓秦獨憐傾國貌不負早鶯
春珠履盞花濕新鉤折桂新使君那駐馬自有侍
中人

織錦竇家妻

當年誰不羨分作竇家妻錦字行行苦羅帷日日
啼豈知登隴遠徒恨下機遲直候陽關使殷勤寄
海西

關山別蕩子

那堪聞蕩子迢遞涉關山腸爲馬嘶斷衣從淚滴
斑愁看塞上路詎惜鏡中顏儻見征西鴈應傳一

字還

風月守空閨

良人猶沙戍耿耿夜閉空繡戶流春月羅帷坐晚
風魂飛遠帳北腸斷玉闌東尚自無消息錦衾那
得同

恒歛千金笑

玉顏恒自歛羞出鏡臺前早感陽城客今悲華錦
筵從軍人更遠報喜鵲空傳夫婿交河北迢迢路
幾千

長垂雙玉啼

雙雙紅淚墮度日暗中啼鴈出居延北人猶遼海
西向燈垂玉枕對月洒金閨不惜羅衣濕惟愁歸
意迷

蟠龍隨鏡隱

鸞鏡無由照蛾眉豈忍看不知愁髮換空見隱龍
蟠那慙紅顏改偏傷白日殘今朝窺玉匣雙淚落
闌干

綵鳳逐帷低

巧繡雙飛鳳朝朝伴夏帷春花那見照暮色已頻
欺欲卷思君處將啼裛淚時何年征戍客傳語報

佳期

驚魂同夜鵲

萬里無人見重情難與論思君常入夢同鵲屢驚魂
孤寢紅羅帳雙啼玉筍痕妾心甘自保豈復暫忘恩

倦寢聽晨雞

去去邊城騎愁眠掩夜闥披衣窺落月拭淚待鳴雞
不憤連年別那堪長夜啼功成應自恨早晚發遼西

暗牖懸蛛網

暗中蛛網織歷亂綺窓前
萬里終無信一條徒自
懸分從珠露滴愁見隙風牽
妾意何聊賴看看劇
斷絃

空梁落燕泥

春至今朝燕花時伴獨啼
飛斜珠箔隔語近畫梁
低帷卷閑窺戶牀空暗落
泥誰能長對此雙去復
雙棲

前年過代北

代北幾千里前年又復經
燕山雲自合胡塞草應
青鐵馬喧嚴陣蛾眉愁錦
屏不知羌笛曲掩淚若

爲聽

今歲往遼西

萬里飛書至聞君已渡遼
祇諳新別苦忘却舊時
嬌遠戍年將老紅顏日向凋
胡沙兼漢苑相望幾
迢迢

一去無還日

良人征絕域一去不言還
百戰攻胡虜三冬阻玉
關蕭蕭邊馬思獵獵戍旗閒
獨抱千重恨連年未
解顏

那能惜馬蹄

雲中路杳杳江畔草淒淒
久垂珠淚君何惜馬
蹄邊風悲晚角營月怨
春聲末道休爭戰愁眉
又復低

越中寺居

遲客踈林下斜溪小艇通
野橋連寺月高竹半樓
風水靜魚吹浪枝閑鳥下
空數峰相向綠日夕郡
城東

宿靈巖寺

卽古吳宮

明月溪頭寺蟲聲滿橘洲
倚欄香徑晚移石太湖
秋古樹一作老雲歸盡荒臺一作水
更流無人見惆

悵獨上最高樓

江邊

終日勞車馬江邊款竹扉殘花春浪濶小酒故人
稀戍鼓客帆遠津雲夕照微何由兄與弟俱及暮
潮歸

晚發

一作姚
鵠詩

旅行宜早發况復是南歸月影緣山盡鍾聲隔浦
微殘星螢共映落葉鳥驚飛去去渡南渚村深人
出稀

東歸道中二首

平生事行役今日始知非歲月老將至江湖春未
歸傳家有天爵主祭用儒衣何必勞知己無名亦
息機

未明喚僮僕江上憶殘春風雨落花夜山川驅馬
人星星一鏡髮草草百年身此日念前事滄洲情
更親

旅次商山

役役依山水何曾似問津斷崖如避馬芳樹欲留
人日夕猿鳥伴古今京路塵一枝甘已失辜負故

園春

一作惆悵
故園春

經無錫縣醉後吟

客過無名姓扁舟繫柳陰窮秋南國淚殘日故鄉
心京洛衣塵在江湖酒病深何須覓陶令乘醉自
橫琴

長洲

扁舟殊不繫浩蕩路纔分范蠡湖中樹吳王苑外
雲悲心人望月獨夜鴈離群明發還驅馬關城見
日曛

陪崔璞侍御和崔璘春日有懷

詩家本多感況值廣陵春暖駐含窓日香餘醉袖

塵浮名皆有分一笑最關身自此容依託清才兩
故人

贈越客

故國波濤隔明時心久留獻書雙闕晚看月五陵
秋南棹何當返長江憶共遊定知釣魚伴相望在
汀洲

虎丘寺贈漁處士

蘭若雲深處前年客重過岩空秋色動水濶夕陽
多早負江湖志今如髣髴何唯思閑勝我釣艇在
煙波

贈金剛三藏

心法云無住流沙歸復來錫隨山鳥動經附海船
回洗足柳遮寺坐禪花委苔唯將一童子又欲過
天台

重寄盧中丞

賤子來還去何人伴使君放歌迎晚醉指路上高
雲此夜鴈初至空山雨獨聞別多頭欲白惆悵惜
餘醺

洛中逢盧郢歸觀

不堪俱失意相送出東周緣切倚門戀倍添爲客

愁春山和雪靜寒水帶冰流別後期君處靈原紫閣秋

送權先輩歸覲信安

衣綵獨歸去一枝閑更香馬嘶芳草渡門掩百花塲野色亭臺晚灘聲枕簟涼小齋松島上重拂讀書牀

送韋處士歸省朔方

映柳見行色故山當落暉青雲知己歿白首一身歸滿袖蕭關雨連沙塞鴈飛到家翻有喜借取老萊衣

送友人鄭州歸覲

爲有趨庭戀應忘
道路除風消滌澤
凍雨靜圃田
沙古陌人來遠
遙天鴈勢斜
園林新到日
春酒酌梨花

風蟬

風蟬旦夕鳴
伴夜送秋聲
故里客歸盡
水邊身獨行
噪軒高樹合
驚枕暮山橫
聽處無人見
塵埃滿甕生

五言排律

華清宮和杜舍人

五十年天子離宮仰峻

一作舊粉

塙登封時正泰御宇

日何

一作初

長上位先名實中興事憲章起

一作舉

戎

輕甲冑餘地復

一作取

河湟道帝玄元祖儒封孔子

王因緣百司署藁會一人湯渭水波搖綠秦郊

一作作

山草半黃馬馴金勒細鷹健玉鈴鏘

一作馬頭開夜照鷹眼利

星芒下箭朱弓滿鳴鞭皓腕攘旻恩獲呂望諫祗避

周呂兔跡貪前逐臬心不早防幾添鸚鵡歎先

一作作

類賜荔枝嘗月鎖千門靜天吹

一作高

一笛涼細音

搖羽

一作翠

珮輕步宛霓裳基

潛結昇平意遽

忘衣冠逃大虜輦鼓動漁陽外戚心殊迫中途事

可量血埋妃子豔，
斷祿兒腸近侍煙。
塵隔前蹤，
輦路荒益知迷寵。
佞遺一作恨喪賢良，
非闕尊明。

主南宮遜上皇，
禁清餘鳳吹池冷睡。
一作龍光祝

壽山猶在，
流年水共傷杜鵑魂。
厭蜀蝴蝶夢悲莊。

雀卵遺雕棋，
蟲絲罥畫梁。
紫苔侵壁潤紅樹，
閉門

芳守吏，
齊駕无耕民得翠瑤。
登年昔一作時飲康

樂講武舊兵場，
暮草深巖翠一作幽花墜徑香不

堪垂白首行折御溝楊

歲暮江軒寄盧端公

積水生高波，
長風自北時。
萬艘俱擁棹，
上客獨吟

詩路以重湖阻心將小謝期渚雲愁正斷江雁重
驚悲笑憶遊星子歌尋罷貴池夢來孤島在醉醒
百憂隨戍迥煙生晚江寒鳥過遲問山樵者對經
雨釣船移敢歎今留滯猶勝曩別離醉從陶令得
善必大人知道蹇才何取恩深劍不疑此身同岸
柳只待變寒枝

秋日吳中觀貢藕

野艇幾西東清冷映碧空褰衣來水上捧玉出泥
中葉亂田田綠蓮餘片片紅激波纔入選就口已
生風御潔玲瓏勝人懷拔擢功梯山謾多品不與

世流同

戊籤十四趙嘏之二

唐音統籤卷

六百十

七言律詩一

自遣

晚樹疎蟬起別愁遠人回首憶滄洲江連故國無
窮恨日帶殘雲一片秋久客轉諳時態薄多情只
共酒淹留到頭生長煙霞者須向煙霞老始休

寒食遣懷

折柳城邊起暮愁可憐春色獨懷羞傷心正歎人
閒事回首更慚江上鷗鷓鴣聲中寒食酒芙蓉苑
外夕陽樓憑高滿眼送清渭去傍故山山下流

長安秋夕

雲物淒清拂曙流，漢家宮闕動高秋。
殘星幾點鴈橫塞，長笛一聲人倚樓。
紫艷半開籬菊靜，紅衣落盡渚蓮愁。
鱸魚正美不歸去，空戴南冠學楚囚。

齊安早秋

流年堪惜又堪驚，砧杵風來滿郡城。
高鳥過時秋色動，征帆落處暮雲平。
思家正歎江南景，聽角仍含塞北情。
此目沾襟念岐路，不知何處是前程。

東望

楚江橫在草堂前，楊柳洲邊載酒船。
兩見梨花歸

不得每逢寒食一潸然斜陽映閣山當寺微綠含
風樹滿川同郡故人攀桂盡把詩吟向沆寥天

長安月夜與友生話故山

宅邊秋水浸苔磯日日持竿去不歸楊柳風多潮
未落蒹葭霜在雁初飛重嘶匹馬吟紅葉却聽疎
鐘憶翠微今夜秦城滿樓月故人相見一霑衣

憶山陽

家在枚臯舊宅邊竹軒晴與楚波連菱荷日暖垂
鞭袖楊柳風橫弄笛船城碍十洲煙島路寺臨千
頃夕陽川可憐時節堪歸去花落猿啼又一年

曲江春望懷江南故人

杜若洲邊人未歸
水寒煙煖想柴扉
故園何處風吹柳
一雁南來雪滿衣
目極思隨原草遍
浪高書到海門稀
北村愁望情多少
萬里春流遶釣磯

客至

集者誤

得路逢津更俊才
可憐鞍馬照春來
殘花幾日小齋閑
大笑一聲幽抱開
袖拂碧溪寒綠繞
冠欹紅樹晚徘徊
相逢少別更堪恨
何必秋風江上臺

發剡中

武德中置嵎州

正懷何謝俯長流
更覽餘封識嵎州
樹色老依官

舍晚溪聲涼傍客衣秋南巖氣爽橫郭郭天姥雲
晴拂寺樓日暮不堪還上馬蓼花風起路悠悠

早發剡中石城寺

暫息勞生樹色

一作日間

平明塵事又相關吟辭宿

處煙霞古心負秋來水石閒竹戶半開鍾未絕松
枝靜露鶴初還明朝一倍堪惆悵廻首塵中見此
山

泊棗磯江館

風雪晴來歲欲除孤舟晚下意何如月當軒色湖
平後鴈斷雲聲客起初傍晚管絃何處靜犯寒楊

柳遶津疎三間茅屋東溪上歸去生涯竹與書

春盡獨遊慈恩寺南池

竹外池塘煙雨收送春無伴亦遲留秦城馬上半
年客清髣水邊今日愁氣變晚雲紅映闕風含高
樹碧遮樓杏園花落遊人盡獨爲圭峰一舉頭

登安陸西樓

樓上華筵日日開眼前人事祇堪哀征車自入紅
塵去遠水長穿綠樹來雲雨暗更歌舞伴山川不
盡別離杯無由併寫春風恨欲下鄖城首重回

經漢武泉

芙蓉池苑起清秋
漢武泉聲落御溝
他日江山映蓬鬢
二年楊柳別漁舟
竹間駐馬題詩去
物外人識醉遊盡
把歸心付紅葉
晚來隨水向東流

早出洞仙觀

露濃如水灑蒼苔
洞口煙蘿密不開
殘月色低當戶後
曉鍾聲迴隔山來
春生藥圃芝猶短
夜醮齋壇鶴未迴
愁是獨尋歸路去
人間步步是塵埃

宿楚國寺有懷

風動衰荷寂寞香
斷煙殘月共蒼蒼
寒生晚寺波搖壁
紅墮疎林葉滿床
起鴈似驚南浦棹
陰雲欲

護北樓霜江邊松菊荒應盡八月長安夜正長

重遊楚國寺

往事飄然去

一作竟

不迴空餘山色在樓臺池塘風

一作春

暖雁尋去松桂寺高人獨來莊叟著書真達

者賈生揮涕信悠哉老僧心地閑於水猶被流年

日月催

一作白髮催

浙東陪元相公遊雲門寺

松下山前一逕通燭迎千騎滿山紅溪雲乍歛幽

巖雨曉氣初高

一作開

大旆風小檻宴花容客醉上

方看竹與僧同歸來吹盡巖城角路轉高

一作橫塘

水東

九日陪越州元相宴龜山寺

佳晨何處泛花遊
丞相筵開水上頭
雙影旆搖山雨霽
一聲歌裊寺雲秋
林光靜帶高城晚
湖色寒分半檻流
共賀萬家逢此節
可憐風物似荊州

陪韋中丞宴扈都頭花園

門外煙橫載酒船
謝家携客醉華筵
尋花偶坐將軍樹
飲水一作酒方重刺史天
幾曲艷歌春色裡
斷

一作數

行高鳥

一作雁

暮雲邊
分明聽得與人語
願及

行春更一年

花園卽事呈韋中丞

煙暖池塘柳覆臺
百花園裏看花來
燒衣煖席三千樹
破鼻醒愁一萬盃
不肯爲歌隨拍落
却令因舞帶香廻
山公仰爾留賓客
好傍春風次第開

李侍御歸山同宿華嚴寺

家有青山近玉京
風流柱史早知名
園林手植自含綠
霄漢眼看當去程
處處白雲迷駐馬
家家紅樹近流鶯
相逢一宿最高寺
夜夜翠微泉落聲

題昭應王明府溪亭

靖節何須彭澤逢
菊洲松島水悠溶
行人自折門

前柳高鳥不離溪畔峰曉渭度簷帆的的晚原含
兩樹重重軒車過盡無公事枕上一聲長樂鍾

宿何書記先輩延福新居

松下有琴閒未收一燈高爲桂叢留詩情似到山
家夜樹色輕含御水秋小榼提携宜永日半斑一作
年容髻漫生愁因君撫掌問時俗紫閣堆簷不舉
頭

贈曹處士幽居

勾漏先生冰玉然曾將八石問群仙中止暫醉一
千日南苑住來三百年碁局不收花滿洞霓旌欲

別浪翻天何須更學鴟夷子頭白江湖一短船

題崇聖寺簡雲端僧錄

暮塵飄盡客愁長來叩禪關月滿廊朱玉逢秋空
雪涕淨名無地可容床高雲覆檻千巖樹踈磬含
風一夜霜迴首故園紅葉外只將多病告醫王

秦中逢王先生

萬水東流去不迴先生獨自負仙才葉宮橫浪海
還別鶴翅駐雲天上來幾處吹簫森羽衛誰家殘
月下樓臺春風正好分瓊液乞取當時白玉杯

江上逢許逸

是非處處生塵埃唯君襟抱無嫌猜收帆依鴈湓
浦宿帶雨別僧衡嶽廻芳罇稍駐落日唱醉袖更
拂長雲開清秋華髮好相似却把釣竿歸去來

成名年獻座主僕射兼呈同年

拂煙披月羽毛新千里初辭九陌塵曾失玄珠求
罔象不將雙耳負伶倫賈嵩詞賦相如手楊乘歌
篇李白身除却今年仙侶外堂堂又見兩三春

獻淮南李相公

傳巖高靜見台星廟畧當時討不庭萬里有雲歸
碧落百川無浪到滄溟軍中老將傳兵術江上諸

侯受政經聞道國人思再入鎔金新鑄鶴儀形

獻淮南李僕射

早年曾謁富人侯今日難甘失鵠羞新諾似山無力負舊恩如水滿身流馬嘶紅葉蕭蕭晚日照長江灩灩秋功德萬重知不惜一言拋得百生愁

舒州獻李相公

野人留得五湖船丞相興歌郡國年醉筆倚風飄澗雪靜襟披月坐樓天鶴歸華表山河在氣返青雲雨露全聞說萬方思舊德一時傾望重陶甄

山陽卽席獻裴中丞

早年天上見清塵今日樓中醉一春
暫肯剖符臨
橫浩浩津好是仙家羽衣使欲教垂涕問何人

西峰卽事獻沈大夫

松竹閒遊道路身衣襟落盡往來塵
山連謝宅餘霞在水映琴溪舊浪春
拂榻從容今有地酌恩寂寞久無人
安知不及屠沽者曾對青萍淚滿巾

宛陵寓居上沈大夫二首

滿耳謠謠滿眼山宛陵城郭翠微間
人情已覺春長在溪戶仍將水共閒
曉色入樓紅藹藹夜聲尋

月二十七日
砌碧潺潺幽雲高鳥俱無事晚伴西峰醉客還
溪樹叅差綠可攀謝家雲水滿東山能忘天上他
年貴來結林中一日閑醉叩玉盤歌裊裊煖鳴幽
澗鳥關關觥籌不盡須歸去路在春風縹緲間

山陽韋中丞罷郡因獻

笙歌只是舊笙歌腸斷風流奈別何照物二年春
色在感恩千室淚痕多盡將魂夢隨西去猶望旌
旗暫一過今日樽前無限思萬重雲月隔煙波

下第後上李中丞

落第逢人慟哭初平生志業欲何如髣髴毛洒盡一

枝桂淚血滴來千里書谷外風高摧羽翮江邊春

抒懷上欽州盧中丞宣州杜侍御

東來珠履與旌旗前者登朝亦一時竹馬迎呼逢
稚子柏臺長告見男兒花飄舞袖樓相倚角送歸
軒客盡隨獨有賤夫懷感激十年兩地負恩知

送李蘊赴鄭州因獻盧郎中倣

僕射陂西想別時滿川晴色見旌旗馬融閑卧笛
聲遠王粲醉吟樓影移幾日賦詩秋水寺經年草
詔白雲司惟君此去人多羨却是恩深自不知

賀令狐相公

令狐洵父楚文宗朝自翰林學士拜相宣宗朝總自潮州召入

翰林爲學士間歲
亦拜相暇獻詩

鶚在卿雲本在靈代天才業奉詩謨榮同伊陟傳
朱戶秀比王商入畫圖昨夜星辰廻劍履前年風
月滿江湖不知機務時多暇猶許詩家屬和無

淮信賀滕邁台州

凋瘵民思太古風上賢綏綈副宸衷
乘舟移清鏡禹祠北路轉翠屏天姥東
旌旆影前橫竹馬詠歌聲裡樂樵童遙知到郡滄波晏三島離離一望中

賀新先輩

撫言云開成五年樂和侍郎下三十一人及第時在諫閣率皆雅飲

擬以
詩賀

天上高高月桂叢分明三十一枝風滿懷春色向
人動遮路亂花迎馬紅鸛馭迴飄雲雨外蘭亭不
在管絃中居然自是前賢事何必青樓倚翠空

杜陵貽杜牧侍御

紫陌塵多不可尋南溪酒熟一披襟山當畫枕石
床穩泉落夜窓煙樹深白首逢人羞問計青雲何
路覓知音唯君懷抱閒於水他日門牆許醉吟

贈李祕書

束帶臨

一作隨

風氣調新孔門才業獨誰倫杉松韻

冷一作靜

雪溪暗鸞鶴勢高天路春美玉韞來休問

價芳枝攀去正無塵莫將芸閣輕科第須作詞塲

一作人問第一人

贈陳正字

魯儒今日意何如名挂春宮選籍初野艇幾曾尋
水去故山從此與雲踈吟憐愛露花陰足行覺嘶
風馬力餘閑說晚心心更靜竹間依舊卧看書

澗東贈李副使員外

妙盡戎機佐上台少年清苦白霜臺馬嘶深竹閑
宜貴花拂朱衣美稱才早入半緣分務重晚吟多

是看山迴名高漸少翻飛伴幾度煙霄獨去來

薛廷範從事自宣城至因贈

少年從事霍嫖姚來自楓林度柳橋金管別筵花
灼灼玉溪回首馬蕭蕭清風氣調真君輩知己風
流滿聖朝獨有故人愁欲歎晚簷疎雨動空瓢

贈李從貴

白馬嘶風何處還鞭稍拂地看南山珠簾捲盡不
回首春色欲闌休閉關花外鳥歸殘雨暮竹邊人
語夕陽閑知君舊隱嵩雲下巖桂從今幾更攀

贈王先生

太一真人隱翠霞
早年曾降蔡經家
羽衣使者峭於鶴
鳥爪侍娘飄若花
九昇闌干窺一作歸馬齒
三山窈窕步雲涯
時因弟子偷靈藥
散落人間駐一作潤物華

王先生不別而去

仙翁歸袖拂煙霓
一卷素書還獨携
斂藥滿囊身不病
抱琴何處鶴同棲
雷衣盡日看山坐
搔首殘春向路迷
樹樹白雲幽徑絕
短舡空倚武陵溪

贈道者

華蓋飄飄綠鬢翁
往來朝謁蕊珠宮
幾年山下陰

陽掛盡日澗邊桃李嵐野跡似雲無處著仙容如
水與誰同應憐有客外妻子思在長生一顧中
一作中諾

贈天卿寺神亮上人

師不下寺
已五年

五看春盡此江濱花自零風日自曠空有慈悲隨
佛念已無蹤跡在人群迎秋月色簷前見入夜鐘
一作經聲竹外聞笑指白蓮心自得世間煩惱是浮
雲

戊籤十四趙嘏之三

唐音統籤卷六百一十一

北言律詩二

和令狐補闕春日獨遊西街

左掖初辭近侍班
馬嘶尋得過街閑
映鞭柳色微遮水
隨一作迎步花枝欲礙山
暖泛鳥聲來席上
醉

從詩句落人間
此時失意哀吟客
更覺風流不可攀

三像寺酬元秘書

官總芸香閣署蓬
可憐詩句落春風
偶然侍坐水聲裏
還許醉吟松影中
車馬照來紅樹合
煙霞詠

盡翠微空不因高寺閑回首誰識飄零一塞翁

廣陵答崔琛

棹倚隋家舊院墻柳金梅雪撲簷香朱樓映日重
重晚碧水含光灑灑長八斗已聞傳姓字一枝何
足計行藏聲名官職應前定且把旌麾一作紅旌入醉

鄉

答友人

詩家才子酒家仙遊宦曾依積水邊窓戶動搖三
岳樹琴樽安穩五湖船羅浮道士分瓊液錦席佳
人艷楚蓮今日相逢朗吟罷滿城砧杵一燈前

廻於道中寄舒州李珣相公

都無鄙吝隔塵埃昨日丘門避席來靜語乍臨清
廟瑟披風如在九層臺幾煩命妓浮溪棹每許論
詩注酒杯從此微誠知感戀七真臺上望三台

寄淮南幕中劉員外

郎官何遜最風流愛月憐山不下樓三佐戎旃換
朱紱一辭蘭省見清秋桂生巖石本瀟灑鶴到煙
空更自由休向西齋久閑卧滿朝傾蓋是依劉

下第寄宣城幕中諸公

一醉曾將萬事齊暫陪歡去便如泥黃花李白墓

唐詩集
前路碧浪桓
葵宅後溪九
月霜中隨計
吏十年江上
灌春畦莫言
春盡不惆悵
自有閑眠到
日西

寄潯陽趙校書

簾下秋江夜影空
倚樓人在月明中
不將行止問朝列
唯脫衣裳與釣翁
幾處別巢悲去燕
十年回首送歸鴻
那應更結廬山社
見說心閑勝遠公

越中寺居寄上主人

野寺初容訪靜來
晚晴江上見樓臺
中林有路到花盡
一日無人看竹迴
自耽詩書經雨後
別留門戶爲僧開
苦心若是酬恩事
不敢吟春憶酒盃

寄歸

三年踏盡化衣塵，只見長安不見春。
馬過雪街天木曙，客迷關路淚空頻。
一作鄉遙雲樹淚空頻桃花塢接啼猿寺，
野竹亭通畫鶴津。早晚麤辭身事了，
水邊歸去一閒人。

洞庭寄所思

目斷蘭臺空望歸，錦衾香冷夢來稀。
書中空有刀頭約，天上頻看破鏡飛。
孤浪謾疑紅臉笑，輕雲忽似舞羅衣。
遙知不語坐相憶，寂寞洞房寒燭微。

寒食新豐別友人

一百五日家未歸新豐雞犬獨依依滿樓春色傍
人醉半夜雨聲前計非綠繞溝塍含綠晚荒涼樹
石向川微東風吹淚對花落顚顚故交相見稀

送滕邁郎中赴睦州

郡齋秋盡一江橫頻命郎官地更清星月去隨新
詔動旌旗遙映故山明詩尋片石依依晚帆掛孤
雲杳杳輕想到釣臺逢竹馬只應歌詠伴猿聲

送令狐郎中赴鄆州

佐幕才多始拜侯一門清貴動神州霜蹄曉駐秦
雲斷野旆晴翻鄆樹秋幾處塵生隨候騎半江帆

盡見分流大馮罷相吟詩地莫惜頻登白雪樓

送張又新除溫州

東晉江山稱永嘉莫辭紅旆向天涯凝絃夜醉松
亭月欹馬曉尋溪寺花地與剡州分水石境將蓬
嶠共煙霞却愁明詔徵非晚不得秋來見海槎

送李裴評事

塞垣從事識兵機只議平戎不擬歸入夜笳聲合
白髮報秋榆葉落征衣城連戰壘黃雲晚馬渡寒
沙夕照微別後不應書斷絕滿天霜雪有鴻飛

送沈單作尉江都

楊帝都城春水邊笙歌夜上木蘭船三千宮女白
塗地十萬人家如洞天焰焰花枝官舍晚重重雲
影寺牆連少年作尉須矜慎莫向紅樓墜馬鞭

送陳凝登第作尉歸觀

千峰歸去舊林塘溪縣門前卽故鄉曾把桂誇春
里巷重憐身稱錦衣裳洲迷翠羽雲遮檻露濕紅
蕉月滿廊就養舉朝人共羨清資讓却校書郎

李先輩擢第東歸有贈送

一作
逢

金榜前頭無是非平人分得一枝歸正憐日暖雲
飄路何處宴回風滿衣門掩長淮心更遠渡連芳

草馬如飛茂陵自笑猶多病空有書齋在翠微

送裴延翰下第歸觀滁州

失意何曾恨解携問安歸去林陵西郡斜楊柳春
風岸山映樓臺明月溪江上詩書懸素業日邊門
戶倚丹梯一枝攀折回頭是莫向清秋惜馬蹄

送薛虢先輩歸謁漢南

雲繞千峰驛路長謝家聯句待檀郎手持碧落新
攀桂月在東軒舊選林幾日旌幢延駿馬到時冰
玉動華堂孔門多少風流處不許顏回識醉鄉

送韓絳歸淮南寄韓綽先輩

島上花枝繫釣船
隋家宮畔水連天
江帆自落鳥飛外
月觀靜依春色邊
門巷草生車轍在
朝廷恩及鴈行
聯相逢莫問揚州事
曾鼓莊盆對逝川

送同年鄭祥歸漢南時恩門相公鎮山南

年來驚喜兩心知
高處同攀次第枝
人倚繡屏閑賞夜
馬嘶花徑醉歸時
聲名本自文章得
藩溷曾勞筆硯隨
家去恩門四千里
只應從此夢旌旗

送盧緘歸揚州

曾向雷塘靜掩扉
荀家燈火有餘輝
關河日暮望空極
楊柳渡頭人獨歸
隋苑荒臺風裊裊
滿陵殘

夢雨依依今年春色還相悞爲我江邊謝釣磯

送剡客

一作薛逢

雨重江外片帆斜數畝林塘遶一家門掩右軍餘
水石路橫諸謝舊煙霞扁舟幾處逢溪雪長笛何
人怨柳花若到天台洞陽觀葛洪丹井在雲涯

一作崖

送僧歸廬山

禪樓忽憶五峰遊去着方袍謝列侯花啟樓臺千
葉曙錫含風雨一枝秋題詩片石侵雲在洗鉢泉
香覆菊流却憶前年別師處馬嘶殘月虎溪頭

平戎

時諫官論此虜未回天德軍帥請修城備之

邊聲一夜殷秋聲牙帳連烽擁萬蹄武帝未能忘
塞北仲舒纔足使膠西水橫曉渡胡兵合雪滿窮
沙漢騎迷自古平戎有良策將軍不用倚雲梯

降虜

廣武溪頭降虜稀一聲寒角怨金微河湟不在春
風地歌舞空裁雪夜衣鐵馬半嘶邊草去狼煙高
映塞鴻飛揚雄尚自相如吃今日何人從獵歸

別麻氏

曉哭鳴鳴動四鄰於君我作負心人出門便作東

舊水回首初驚枕席塵滿眼淚珠和語咽舊窓風
月更誰親傷離况值花時節從此東風不似春

代人贈杜牧侍御

宣州會中

郎作東臺御史時妾長西望歛雙眉一從詔下人
皆羨豈料恩衰不自知高闕如天縈曉夢華筵似
水隔秋期坐來情態猶無限更向樓前舞柘枝

代人贈別

月自斜窓夢自驚衷腸中有萬愁生清猿處處三
聲盡碧落悠悠一水橫平子定情詞麗絕詩人匪
石誓分明會須攜手乘鸞去簫史樓臺在玉京

旅館聞鴈別友人

路遠秋塘首獨搔
背群燕鴈正呼號
故關何處重相失
碧落有雲終自高
旅宿去緘他日恨
單飛誰寄
是一作此生勞行衣
濕盡千山雪
腸斷金籠好羽毛

山陽盧明府以雙鶴寄遺伯氏以詩爲答因寄和

縑山雙去羽翰輕
應爲仙家好弟兄
茅固枕前秋鵲舞
陸雲溪上夜同鳴
紫泥封處曾回首
碧落歸時莫問程
自笑滄江一漁叟
何由似爾到層城

題橫水驛雙峰院松

故園溪上雪中別野館枕前雲畔逢
白髮漸多何自苦清陰長在好相容
迎風幾拂朝天蓋帶月猶含度嶺鐘
更憶葛洪丹井側數株臨水欲成龍

戊籤十四趙嘏之四

唐音統籤卷

六百十二

五言絕句

寒塘

曉髮梳臨水寒塘坐見秋鄉心正無限一鴈度南樓

下第

南路抱甕客失意自懷羞晚路誰携手殘春自白頭

到家

童稚牽衣問歸來何太遲共誰爭歲月贏得髩邊

絲

春釀

春釀正風流
梨花莫問愁
馬卿思一醉
不惜鵲鵲裘

七言絕句一

長信宮

一作孟
遲詩

君恩已盡欲何歸
猶有殘香在舞衣
自恨身輕不
如燕春來長繞御簾飛

宮鳥棲

宮鳥棲處玉樓深
微月生簷夜夜心
香輦不回花

自落一作發春來空佩帶一作帶辟寒金

遣興二首

谿花入夏漸稀疎
雨氣如秋麥熟初
終日苦吟人
不會海邊兄弟久無書

讀徹殘書弄水回
暮天何處笛聲哀
花前獨立無人會
依舊去年雙燕來

春日書懷

曉鶯春日舌難窮
枕上愁生曉聽中
應裏綠窓殘夢斷
杏園零落滿枝風

下第後歸永樂里自題二首

無地無媒只一身歸來空拂滿牀塵尊前盡日誰
相對惟有南山侶故人

玄髮侵愁忽似翁暝塵寒袖共東風公卿門戶不
知處立馬九衢春影中

落第

九陌初晴處處春不能回避看花塵由來得喪非
吾事本是釣魚船上人

重陽二首

節逢重九海門外家在五湖煙水東還向秋山覓
詩句伴僧吟對菊花風

病酒堅辭綺席春菊花空伴水邊身由來舉止非
閑雅不是龍山落帽人

南園

雨過郊園綠尚微落花惆悵滿塵衣芳樽有酒無
人共日暮看山還獨歸

南亭

孤亭影在一作出亂花中悵望無人此醉同聽盡暮
鐘猶獨坐水邊襟袖起春風

南池

照影池邊多少愁往來重見此塘秋芙蓉苑外新

經雨紅葉相隨何處流

池上

正憐佳月夜深坐池上
暖回燕鴈聲猶有漁舟繫
江岸故人歸盡獨何情

出試日獨遊曲江

江莎漸暎花邊綠樓日自開池上春
雙鶴繞空來又去不知臨水有愁人

翡翠巖

芙蓉幕裏千場醉翡翠巖前半日閑
惆悵晉朝人不到謝公拋力上東山

漢陰庭樹

掘溝引水澆蔬圃插竹爲籬護藥苗楊柳如絲風
易亂梅花似雪日難銷

題段氏中臺

看山臺下水無塵碧篠前頭曲水春獨對一樽風
雨夜不知家有早朝人

江樓感舊

獨上江樓思眇然月光如水水連天同來翫
一作看月人何在風景依稀似去年

宿長水主人

白雲谿北叢巖東樹石夜與潺湲通行人一宿翠
微月二十五絃聲滿風

呂校書雨中見訪

竹閣斜谿小檻明惟君來賞見山情馬嘶風雨又
歸去獨聽子規千萬聲

訪沈舍人不遇

谿翁強訪紫微郎曉鼓聲中滿髻霜知在禁闈人
不見好風飄下九天香

尋僧

斜日窓橫起暗塵水邊門戶閉閑春千竿竹裏花

枝動只道無人似有人

尋僧二首

臺殿參差日墮塵
鳴西歸去一菴雲
寒泉何處夜深落
聲隔半巖踈葉聞

谿戶無人谷鳥飛
石橋橫水挂禪衣
看雲日暮倚松立
野水亂鳴僧未歸

四祖寺

千株松下雙峰寺
一盞鐙前萬里身
自是心猿不調伏
祖師元是世間人

靈巖寺

館娃宮畔千年寺，水澗雲多客到稀。
聞說春來倍惆悵，百花深處一僧歸。

李侍御歸炭谷山居同宿華嚴寺

家在青山近玉京，白雲紅葉

一作樹

滿歸程相逢一

宿最高寺，半夜翠微泉落聲。

和杜侍郎題禪智寺南樓

樓畔花枝拂檻紅，露天香動滿簾風。
誰知野寺遺鈿處，盡在相如春思中。

留題興唐寺

滿水樓臺滿寺山，七年今日共躋攀。
月高對菊問

行客去折芳枝早晚還

題僧壁

曉傍疏林露滿巾
碧山秋寺屬閑人
谿頭盡日看紅葉
卻笑高僧衣有塵

僧舍二首

祇言雙鬢未蹉跎
獨奈牛羊送日何
禪客不歸車馬去
晚簷山色爲誰多

谿上禪關水木間
水南山色與僧閑
春風盡日無來客
幽磬一聲高鳥還

宿僧院

月滿長空樹滿霜度雲低拂近簷牀林中夜半一聲磬卧見高僧入道場

宿僧舍

高僧夜滴芙蓉漏遠客窓含楊柳風何處相逢話心地月明身在磬聲中

寒食離白沙

莫驚客路已經年尚有青春一半天試上方垣望春野萬條楊柳拂青天

發青山館

鶯聲暖野塘春鞍馬風高驛路塵一宿青山又

前去古來難得是閑人

發栢梯寺

一泓秋水千竿竹靜得勞生半日身猶有向西無
限地別僧騎馬入紅塵

仙娥驛

谿上郵亭氣早秋樹邊溪色遶床流行人亦羨郵

亭吏生向此中今白頭

又沙谿館一絕與此小異
附注翠濕衣襟山滿樓竹

間谿水繞床流行人莫羨
郵亭吏生向此中今白頭

塗中

故園回首鴈初來馬上千愁付一桮惟有新詩似

相識暮山吟處共徘徊

茅山道中

煙樹重重水亂流
馬嘶殘雨晚程秋
門前便是仙

山路目送歸鴻

一作斷寒雲

不得遊

廣陵道

鬪雞臺邊花照塵
煬帝陵下水含春
青雲回翅北
歸鴈白首哭途何處人

廣陵城

一作五迷詩

紅映高臺綠繞城
城邊春草傍牆生
隋家不向此
中盡
汴水應無東去聲

商山道中

和如春色淨如秋五月商山是勝遊
當晝火雲生不得一谿分作萬重流

入藍關

微煙已辨秦中樹遠夢更依江上臺
看落晚花還悵望鯉魚時節入關來

冷日過驪山

一作孟
遲詩

冷日微煙渭水愁翠華宮樹不勝秋
霓裳一曲千門鎖白盡梨園弟子頭

千秋嶺下

知有巘前萬樹桃未逢搖落思空勞年年盛發無人見三十六谿春水高

西江晚泊

茫茫萬萬失西東柳浦桑村處處同戍鼓一聲帆影盡水禽飛起夕陽中

過噴玉泉

平生半爲山淹留馬上欲去還回頭兩京塵路一雙鬢不見玉泉千萬秋

吳門夢故山

心熟家山夢不迷孤峰寒繞一條谿秋窓覺後情

無限月墮館娃宮樹西

歙州道中僕逃

去跳風雨幾奔波曾共辛勤奈若何
莫遣窮歸不
知處秋山重疊戍旗多